

四庫全書

子部

欽定四庫全書

子部

玉海卷一百五十一

詳校官中書臣張經田

主事臣祁韻士覆勘

總校官進士臣朱鈐

校對官中書臣徐秉敬

騰錄監生臣左詢

欽定四庫全書

玉海卷一百五十一

宋 王應麟 撰

兵制

劔戟 刀

釋名劔檢也所以防檢非常

口謂之鐔鼻謂之衛鞬謂之室鞬謂之衣戟

格也旁有枝格刀到也以斬伐到其所乃擊之也

其末

曰鋒其本曰環

黃帝鳴鴻刀

拾遺記

一云洞冥記

帝解鳴鴻刀賜東方朔方朔曰此刀黃

帝時採首陽之金鑄爲此刀雄者已飛雌者獨在

洞冥記黃

帝採首山之金始鑄爲刀

頰頰有畫影劍騰空劍

管子葛盧之山出金蚩尤

制爲劍鎧矛戟雍狐之山出金蚩尤以爲雍狐之戟芮

戈

舜吳刀

呂氏春秋帝舜殛鯀於羽山副之以吳刀 歸藏曰大

副之吳刀是用出焉

禹劍

刀劍錄

陶弘景撰

夏禹子帝啓以庚戌八年鑄一劍長三尺

九寸後藏之會稽秦望山腰上刻二十八宿文有背面  
面記星辰背記山水日月少康辛卯三年春鑄一銅劍  
上有八方面長三尺二寸頭方

殷寶劍

伊尹佩刀

列子衛孔周其祖得殷帝之寶劍曰含光承影霄

練此三寶傳之十三世矣 刀劍錄太甲以甲子

歲鑄一劍文曰定光武丁以戊子歲鑄一劍銘曰

照膽周昭王瑕鑄五劍以投五嶽 文選王褒頌

注魯連子曰伊尹負鼎佩刀以干湯文子曰呂望

鼓刀而入周 騷經呂望鼓刀遭周文而得舉鼓

也

周文王錄劍 古良劍

荀子性惡篇繫弱鉅乘古之良弓也

繫弱封父之弓 鉅乘史記曰鉅來

桓公之葱太公之闕文王之錄莊君之芻闔閭之干將

莫邪鉅闕辟閭此皆古之良劍也

注葱闕錄芻齊桓公齊太公周文王楚莊

王之劍名皆未詳所出葱青色也錄與綠同三劍以色為名曹植七啓說劍云雕以翠綠亦其類也芻劍光采

恍惚難視以形為名也闕未詳或曰劍至利則喜闕因以為名鉅闕亦是也干將莫邪鉅闕皆吳王闔閭劍名

新序云辟閭巨闕天下之良劍也或曰辟閭即湛盧也言湛然如水而黑色 驂留驢讀為驥

織離綠耳此皆古之良馬也

注皆周穆王八駿名

大戴記武王

劍銘曰帶之以為服動必行德

### 周桃氏劍

考工記桃氏為劍

劍以止暴挑以辟不祥類相似也故以桃氏為劍

臘廣二寸

有半寸兩從半之以其臘廣為之莖圍長倍之身長五

其莖長重九鈔謂之上制

長三尺

上士服之

士國勇力之士樂記所謂

虎賁之士說

身長四其莖長重七鈔謂之中制

長二尺五寸

中士

服之身長三其莖長重五鈔謂之下制

此今之七首也長二尺

下

士服之

因人之材力強弱列為三等

弓人亦有上制

長

六尺六寸

中制

弓長六尺三寸

下制

弓長六尺

上中下士服之

以長者為上士次者

為中士短者為下士

鹽鐵論以道德為軸以仁義為劍莫之敢



當湯武是也

周銀鍔劍

孔叢子陳士義第十五秦王得西戎利刀割玉如割木  
以示東方諸國魏王問子順曰古有之乎對曰周穆王

征西戎西戎獻銀鍔之劍長尺有咫鍊

列子一  
作練

鋼赤刃

用之切玉如切泥焉是則古亦有也

注十洲記作西胡  
獻昆吾刀切玉如

切土 又見列子湯問篇一云昆吾之劍釋文云昆吾  
龍劍也 河圖曰瀛洲多積石名昆吾可爲劍尸子云昆

吾之劍可切玉 龍魚河圖曰流洲在西海  
中上有昆吾石其石爲鐵作劍光明四照

周琫戈 戈戟

漢書美陽鼎銘賜爾旂鷹黼黻琫戈張敞謂周所以褒賜大臣 冬官冶氏爲戈戟注戟今三鋒戟也 左傳

昭十五年王曰襄之二路鉞鉞拒鬯文公晉受之鉞斧也鉞

金鉞也 相如賦楚王建干將之雄戟

周鷹刀 漢鷹刀

詩信南山執其鷹刀以啓其毛取其血管注刀有鷹者言割中節也疏鷹即鈴也刀環有鈴其聲中節 禮器

割刀之用鷹刀之貴反本修古不忘其初也正義割刀

今之刀鸞刀古之刀也今刀便利可以割物之用古刀

遲緩用之爲難宗廟不用今刀而用古刀修古也

公羊注宗

廟割切之刀環有和鋒有鸞

郊特牲鸞刀之貴貴其義也聲和而

後斷也正義取其鸞鈴之聲宮商調和而後斷割

其肉 祭統君執鸞刀羞臠夫人薦豆 祭義祭

之日君牽牲既入廟門麗于碑卿大夫袒而毛牛

尚耳鸞刀以封取胙臂乃退 張衡東京賦執鸞

刀以袒割奉觴豆於國叟 莊子庖丁奏刀騞然  
合於桑林之舞 文選注引六韜書刀銘曰刀利  
磴磴

周赤刀 容刀

書顧命赤刀大訓在西序注寶刀赤刃削也疏吳錄有  
白削然赤刃爲赤削白刃爲白削鄭氏注武王誅紂刀  
赤爲飾周正色考工記築氏爲削鄭之 詩瞻彼洛矣

韞琫有珌注容刀韞也琫上飾珌下飾天子玉琫而珌

琕諸侯瑩琕而璆琕大夫鐐琕而鏐琕士瑒琕而瑒琕

出三朝禮說文注同

箋既受爵命賞賜而加賜容刀有飾顯其能

制斷也

公劉何以舟之維玉及瑒鞞琕容刀注下曰

鞞上曰琕容刀言有武事也正義容飾之刀鞞刀鞞琕

鞞之上飾

衛風容兮遂兮垂帶悸兮箋容容刀也

左傳藻率鞞鞞昭其數也注鞞佩刀削上飾鞞下飾

### 魯寶刀

穀梁傳僖元年冬十月壬午公子友帥師敗莒師于麗

獲莒擘公子友謂莒擘曰吾二人不相說士卒何罪屏  
左右而相搏左右曰孟勞孟勞者魯之寶刀也公子友  
以殺之 典論曰周魯寶赤刀孟勞又曰周有雍

狐之戟屈盧之矛狐父之戈

管子雍狐之山發而  
出水金從之虫尤受

而制之以為雍狐之戟為戈  
博物志豁子之弩狐父之戈

柳宗元晉問大

鹵之金棠谿之工火化水淬器備以充出太白招  
蓐收召招搖伏虫尤若雪山冰谷之積觀者膽掉  
目出寒液天氣盡白日規為小鏢雲破霄跼墜飛

鳥

吳湛盧劍

吳越春秋楚昭王得吳王湛盧之劍於牀召風湖

或作胡

子而問曰是何劍也曰臣聞吳王得越所獻寶劍三枚

一曰魚腸二曰盤郢三曰湛盧今湛盧入楚也越王元

左傳史記作允常使歐冶子造劍五枚以示薛燭燭曰湛盧五

金之英太陽之精服之有威可以折衝拒敵去無道以就有道故入楚此劍在越之時客有酬其直者有市之

鄉三十駿馬千匹萬戶之都二是其一也雖傾城量金  
珠玉盈河猶不能得此寶 越絕書闔閭無道湛盧之  
劍去之入水行秦過楚秦王求之楚王不與 宋志閩  
中有山名湛疑湛山之鑪鑄劍爲湛鑪也

越五劍 吳名劍 楚三劍 吳粵劍

吳越春秋越王允常聘區冶子作名劍五枚一曰純鈞

一作鈞 二曰湛盧 三曰豪曹 或曰若耶 四曰魚腸 一本作魚腹 越絕書三曰

莫耶四 五曰巨闕 秦客薛燭善劍取純鈞示之薛燭曰

曰豪曹



沉沉如芙蓉始生於湖觀其文如列星之行觀其光如  
水之溢塘觀其文煥煥如水將釋見日之光王曰客有  
買之者以有市之鄉三駿馬千匹千戶之都二其可與  
乎曰不可王造此劍之時赤堇之山破而出錫若耶之  
溪涸而出銅雨師灑道雷公發鼓一云擊索蛟龍捧爐天帝  
變炭太乙下觀區冶子因天地之精造爲此劍雖傾城  
量金珠玉滿河猶不可與取湛盧示之曰善哉服此劍  
可以折衝待敵人君有逆謀則去之允常以湛盧獻吳

吳王闔閭請干將鑄作名劍二枚干將吳人與歐冶子

同師陽曰干將陰曰莫耶陽作龜文陰作漫理 越絕

書越王句踐有寶劍五聞於天下有善相劍者曰薛燭

王問之王取豪曹巨闕燭曰非寶劍也 考工記吳粵

之劍 呂氏春秋荆茲非得寶劍於於越莊子於越之劍 文

選張協七命楚之陽劍歐冶所營邪溪之鋌赤山之精

乃鍊乃鑠萬辟干灌豐隆奮推飛廉扇炭注楚王召風

胡子問曰吳有干將越有歐冶子願請此二人作劍於

是風胡子之吳見歐冶干將使作鐵劍三枚曰龍淵太

阿工市

越絕書又云二人鑿茨山洩其谿取鐵

子虛賦建干將之雄戟

注張揖曰干將韓王劍師也 吳都賦純鈞湛盧吳鈞

越棘 初學記楚有龍泉秦有太阿工市吳有干將鑄

邪屬鏤越有純鈞湛盧豪曹魚腸巨闕諸劍 鹽鐵論

棠谿之鋌 淮南子苗山之鋌羊頭之銷

越步光劍

史記子貢傳越使大夫種言於吳王曰奉先人藏器甲

二十領鈇屈盧之矛

越紀作勃盧

步光之劍以賀軍吏吳王

大說越王送子貢金百鎰劍一良矛二子貢不受 越

絕書越王被棠夷之甲帶步光之劍以見孔子

文選七啓注云

賜夷之甲

曹子建七啓步光之劍華藻繁縟飾以文犀彫

以翠綠綴以驪龍之珠錯以荆山之玉陸斷犀象未足

稱雋隨波截鴻水不漸刃 秦昭王以三月置酒河

曲見金人奉水心之劍曰令君制有西夏乃霸諸

侯因此立為曲水 史記自序在趙者以傳劍論

顯

漢斬蛇劍 佩刀 寶庫劍 靈金內府 干

將

寶劍

劍寶

見寶  
玉類

紀高祖以亭長爲縣送徒驪山徒多道亡自度比至皆  
亡到豐西潭中亭上飲皆解縱所送徒曰公等皆去吾  
亦從此逝矣徒中壯士願從者十餘人高祖被酒夜徑  
澤中令一人行前行前者還報曰前有大蛇當徑願還  
高祖醉曰壯士行何畏乃前拔劍斬蛇蛇分爲兩道開

行數里醉困卧後人來至蛇所有一老嫗夜哭人問嫗

何哭嫗曰人殺吾子人曰嫗子何爲見殺嫗曰吾子白

帝子也化爲蛇當道今者赤帝子斬之

秦襄公自以居西主少昊之神

作四祠祠白帝自獻公時櫟陽雨金以爲瑞作哇時祠白帝赤帝堯後謂漢也殺之者明漢當代秦也徐寅

斬蛇劍賦龍活三尺霆飛半尋磨霜礪雪神母夜號以章赤帝之符爰茲發連斬蛇奮旅神母告符朱旗迴舉

故哭人以嫗爲不誠欲苦之嫗因忽不見後人告高祖

高祖乃心獨喜自負諸從者日益畏之高祖爲沛公祠

黃帝祭蚩尤於沛庭而釁鼓旗幟皆赤由所殺蛇白帝

子所殺者赤帝子也上曰吾以布衣提三尺以取天下

非天命乎贊曰斷蛇著符

樊鄴灌曹攜劍推鋒從高帝墨菑除害耘鉉海內

三輔黃圖太上皇微時佩一刀長三尺上有銘字難識

傳云殷高宗伐鬼方時所作也太上皇游豐沛山中寓

居窮谷有人冶鑄上皇息其旁問曰鑄何器工笑曰爲

天子鑄劍謹勿言

見王子年拾遺記

曰得公佩刀雜治之即成

神器可克定天下昴星精爲輔佐木衰火盛此爲異兆

上皇解七首投爐中劍成殺三牲以釁祭之工問何時

得此上皇曰秦昭襄王時余行陌上一野人授余云是  
殷時靈物工即持劍授上皇上皇以賜高祖高祖佩之  
斬白蛇劍是也及定天下藏於寶庫見白氣如雲出戶

外狀如龍蛇呂后改庫曰靈金藏惠帝即位以此庫貯

禁兵器名曰靈金內府

至晉惠帝元康三年武庫火燒孔子履高祖斬白蛇劍咸見此

劍穿屋飛去莫知所向

西京雜記漢高祖斬蛇劍以七彩珠九

華玉爲飾五色瑠璃爲匣刃上常如霜雪光景照外開

囊拔稍輒有風氣射人 刀劍錄劉季以始皇三十四



年於南山得一鐵劍長三尺小篆書銘曰赤霄及貴常

服之此即斬白蛇劍也續漢書漢西京法駕出則侍

中多識者一人負傳國璽操斬蛇劍參乘齊職儀云東漢文選注

漢禮儀志曰皇太子即位中黃門以斬蛇寶劍授續志注漢舊儀乘輿帶七

尺斬蛇劍古今注高祖爲亭長提三尺劍及貴別得七尺寶劍故儀因言之郊祀志

神爵元年爲劍寶立祠未央長楊賦高祖順斗極運

天闕提劍而叱之杜篤賦斬白蛇屯黑雲提干將而

呵暴秦東京賦紆皇組要干將班固泗水亭銘靈金曜楚火流

鳥飛

漢佩劍

晉志漢制自天子至百官無不佩劍其後唯朝帶劍晉

世代之以木貴者猶用玉首

張敞晉東宮舊事曰太子儀飾有玉頭劍

宋

志漢制自天子至百官無不佩刀司馬彪志具有其制

漢高祖爲泗水亭長拔劍斬白蛇雋不疑云劍者君子

武備張衡東京賦云紆黃組腰干將然則自人君至士

人又帶劍也自晉代以來始以木劍代刃劍 蕭何傳

賜帶劔履上殿 輿服雜事上公九命則劔履上殿漢  
儀諸臣帶劔至殿階解劔 賈子古者天子二十而冠  
帶劔諸侯三十大夫四十庶人有事得帶劔無事不得  
帶劔 史記魏相好武皆令諸吏帶劔前奏事 春秋  
繁露劔在左刀在右韍在前冠在首四者人之盛飾也  
藝文志兵技巧有劔道三十八篇形法有相寶劔刀二  
十卷

漢文帝劔

刀劍錄文帝以初元十六年庚午鑄三劍各長三尺三寸銘曰神龜多刻龜形以應大橫之兆

文帝以韋帶劍兵本無刀

### 漢六劍

衛綰傳爲中郎將景帝賜之劍綰曰先帝賜臣劍凡六不敢奉詔上曰劍者人之所施易獨至今乎綰曰具在上使取六劍皆盛在削室之中未嘗服也

漢玉具劍 櫛具劍 駁犀具劍

匈奴傳甘露三年正月呼韓邪單于朝賜玉具劍佩刀

弓矢注孟康曰標首鐔衛盡用玉爲之 王莽傳進玉

具寶劍 後匈奴傳永元四年正月北匈奴乞降賜玉

具劍羽蓋車一駟又東觀漢書漢安二年立單于兜樓儲天子

臨軒賜玉具刀劍 禮儀志皇太子即位中黃門掌兵

以玉具隨侯珠斬蛇寶劍授 史記有詔擇衛將軍舍

人以爲郎令具鞍馬絳衣玉具劍 說苑經侯適魏左

帶羽玉具劍右帶環佩裏城君帶玉劍 雋不疑傳冠

進賢冠帶櫛具劍佩環玦謁暴勝之門下欲解劍不疑

曰劍者君子武備所以衛身不可解注應劭曰木標首  
之劍晉灼曰古長劍首以玉作井鹿盧形上刺木作山  
形如蓮花初生未敷時今大劍木首其狀似此 應奉  
傳注延熹中詔曰以奉昔守南土威名播越賜駁犀方  
具劍金錯把刀劍革帶各一奉其勉之 列傳安帝賜  
馮石駁犀具劍佩刀紫艾綬玉玦各一

漢斬馬劍

朱雲傳願賜尚方斬馬劍注師古曰尚方少府屬官作

供御器物故有斬馬劍劍利可以斬馬也 後匈奴傳  
建武二十八年匈奴貢馬裘賜斬馬劍一 韓延壽傳  
鑄刀劍鉤鐔放效尚方 匈奴傳元帝遣韓昌張猛送  
呼韓侍子與單于登諾水東山刑白馬單于以徑路刀  
金留犁撓酒與飲血盟注應劭曰徑路匈奴寶刀也

漢鎔邪 寶劍

揚雄傳校獵賦杖鎔邪而羅者以萬計注師古曰大戟  
也 選注引  
說文同 西京雜記昭帝時茂陵家人獻寶劍上銘

曰直千金壽萬歲 陸賈寶劍直百金

漢寶劍名馬

循吏傳光武長於民間頗達情偽見稼穡艱難百姓疾  
苦至天下已定務用安靜解王莽之繁密還漢氏之輕  
法身衣大練色無重綵耳不聽鄭衛之音手不持珠玉  
之玩宮房無私愛左右無偏恩建武十三年異國有獻  
名馬者日行千里又進寶劍價直百金詔以馬駕鼓車

劍賜騎士

二十六年秋賜  
南單于寶劍



漢光武劍

刀劍錄光武未貴時在南陽鄂山中得一劍文曰秀霸  
小篆書帝服之

漢乘輿具劍

祕劍

馮異傳建武二年春封異陽夏侯赤眉延岑暴亂三輔  
郡縣大姓各擁兵衆大司徒鄧禹不能定乃以異爲征  
西將軍代禹討之車駕送至河南賜以乘輿七尺具劍  
具爲寶玉裝飾之東觀記作玉具劍敕異曰三輔遭王莽更始之亂重以

赤眉延岑之酷元元塗炭無所依訴今之征伐非必畧

地屠城要在平定安集之耳異頓首受命引而西二十

年賜

虞延劔延爲  
陳留督郵

彭寵傳朱浮對光武曰前吳漢發兵時

大王遺寵以所服劔 蔡倫傳爲尚方令永元九年監

作祕劔及諸器械莫不精工堅密爲後世法 官志尚

方令六百石掌作御刀劔

### 漢賜劔

昭紀元鳳五年正月廣陵王來朝賜劔二傳云賜  
寶劔 後

傳桓郁永平十五年入授太子經注東觀記曰皇太子  
賜郁鞍馬刀劍 鄧衍永平初賜輿馬衣服劍佩刀

東平憲王元和三年章帝幸東平祀憲王賜御劍於陵  
前 肅宗賜召伯春刀劍

漢楚龍淵蜀漢文濟南推成 三寶劍

韓稜傳 稜爲尚書令與僕射郅壽尚書陳寵同時俱以  
才稱肅宗嘗賜諸尚書劍惟此三人特以寶劍自手署  
其名曰韓稜楚龍淵

汝南西平縣有龍泉水淬刀劍特  
堅利汝南即楚分野 又見龍淵

宮注 邳壽蜀漢文陳寵濟南推成

推直追反謝承書漢官儀作鍛成

時論

著爲之說以稜淵深有謀故得龍淵壽明達有文章故

得漢文寵端朴善不見外故得推成

杜篤賦要龍淵

首鎔鄒命騰太白親發狼弧遂興復乎大漢 史記蘇

秦曰韓卒之劔戟皆出於冥山棠谿墨陽合聘鄧師宛

馮龍淵太阿皆陸斷牛馬水截鵠雁

戰國策合聘作合伯春秋後語作合

相 索隱天下之寶劔韓爲衆八曰莫邪九曰干將其劔

皆出西平縣今有鐵官

鹽鐵論云有棠谿之劔淮南子云墨陽莫邪

案晉太

康地記云汝南西平縣有龍淵水可用淬刀劍故有龍

泉水之劍楚之寶劍也

又公孫龍爲堅白  
同異之辨注云云

### 漢祭戟

匈奴傳

兼後傳

甘露三年賜單于祭戟十

注有未  
之戟

建武二

十六年秋賜南單于祭戟

韓延壽傳在東郡試騎士

建幢祭功曹引車皆駕四馬載祭戟

後輿服志公以

下至二千石爲騎吏四人千石以下至三百石縣長二

人皆帶劍持祭戟爲前列捷弓韞九韞後傳杜詩建武

元年爲侍御史安集洛陽時將軍蕭廣放縱兵士暴橫  
詩殺之還以狀聞世祖召見賜以祭戟復使河東斬逆  
賊楊異等 郭躬永平中秦彭以法斬人躬對曰彭專

軍別將漢制祭戟卽爲斧鉞

漢雜事曰漢制假祭戟以代斧鉞

古今

注曰及前驅之器也以木爲之後世滋僞無復典刑以  
赤油韜之謂之油戟亦曰祭戟王公以下通用之以前

驅

漢子戟 漢鷄鳴戟 晉鷄鳴戟

周禮注

夏官司  
戈盾

戈今時句孑戟疏曰鄭舉漢法以況之

漢時見戈有旁出者爲句孑亦名胡孑 考工記注

治氏

戈今句孑戟也或謂之鷄鳴或謂之擁頸疏曰據漢法  
而言漢時見胡橫之句孑戟云或謂之雞鳴者以其胡  
似雞鳴故也云或謂之擁頸者以其胡曲 方言戟其  
曲者謂之鈎孑幔胡郭璞注曰即今鷄鳴句孑戟也

匈奴傳莽賜單于戲戟十

師古曰有  
旗之戟也

張敞晉東宮舊

事東列崇福門門各羌楯十幡雞鳴戟十張 東方

朔位不過執戟陞戟殿下 王隆漢書解詁曰衛

尉宮闕周廬殿掖屯陳交道當兵交戟 張衡東京賦

虎戟交鍛闌戟鞞鞞

漢輿服志注薛綜曰闌之言函取四戟函車邊

李尤戟

銘秉執操持邪暴是防 張協手戟銘鈇鈇雄戟清金

鍊鋼名配越棘用過干將嚴鋒勁枝摘鍔耀芒 陶侃

表獻金鈴大戟五十張 宋大明四年二月乙巳徐州

於汴水得白玉戟以獻

漢佩刀 乘輿佩刀 唐佩刀



輿服志佩刀乘輿黃金通身貂錯半鮫魚鱗金漆錯雌

黃室五色罽隱室華諸侯王黃金錯環挾半鮫黑室公

卿百官皆純黑不半鮫小黃門雌黃室中黃門朱室童

子皆虎爪文虎賁黃室虎文其將白虎文皆以白珠鮫

爲鏢口刀鋒之飾乘輿加翡翠山紆嬰其側注蕭何劔履

上殿不稱爲刀繁露曰劔之在左青龍象也刀之在右

白虎象也東平王謂王尊曰前匈奴傳兼後甘露三

年正月單于朝甘泉宮賜以佩刀單于以徑路刀建武

三十一 年遺冠幘絳單衣三襲童子佩刀緹帶各一建

時賜南單于衣服以中常侍

列傳虞延建武二十年

惠文冠中黃門童子佩刀

賜錢及劔帶佩刀 馮石爲安帝所寵賜駸屏具劔佩

刀紫文綬玉玦各一 應奉延熹中賜金錯把刀 鄧后

紀蜀漢釳器九帶佩刀並不復調 東觀記建初中以

佩刀書刀錫馬嚴又賜鄧遵金錯把刀佩刀 李尤錯

佩刀銘佩之有錯抑武揚文 晉王祥傳魏徐州刺史呂

虔檄爲別駕虔有佩刀工相之爲三公可服以與祥祥

以授弟覽

唐魏徵傳貞觀十三年

三月丙子

太宗因宴羣

臣

誕皇孫宴五品以上於東宮

謂曰貞觀以前從我以定天下間闕

草昧玄齡功也貞觀之後納忠諫以正朕失爲國家長  
利微而已雖古名臣何以加親解佩刀以賜二人 李  
勣贈屬僚二人佩刀玉帶 張說獻佩刀請先決

漢蜀刀 金馬書刀

文翁傳爲蜀郡守遣小吏詣京師受業減省少府用度  
買刀布蜀物齎計吏以遺博士注如淳曰金馬書刀今

賜計吏是也作馬形於刀環內以金鏤之晉灼曰書刀

也蜀郡工官作金馬書刀以佩刀形金錯其拊師古曰

凡蜀刀有環者也

古者用簡牒吏皆以刀筆自隨氏製筆漢兼用書刀謂之刀筆

蒙博

古圖有漢刀筆

楊僕傳武帝以書敕責之曰欲請蜀刀問君

賈幾何對曰率數百武庫日出兵而陽不知是五過也

注僕爲將請官蜀刀後鄧后紀蜀漢釦器九帶佩刀

並不復調

揚雄蜀都賦鏤鏤知器百伎千工

東觀記建初中以書刀

賜馬嚴

釋名書刀給書簡札刊削之刀

朱博傳投刀削所記

蕭

何傳注刀所以削書

周禮築氏爲削鄭之刀長尺博寸合六而魯之削

成規注今之書刀正義古者未有紙筆以削刻字至漢

雖有紙筆仍有書刀古之遺法也 李尤金馬書刀銘

巧冶鍊鋼金馬託形 文選七發注引六韜書刀銘曰

刀利礪礪

魏飛景劍 寶劍

典論曰建安二十四年二月壬午一作丙午魏太子丕造百

辟寶劍長四尺二寸淬以清漳厲以礪礪青厲石也飾以文

玉表以通犀光似流星名曰飛景又曰選茲良金命彼

國工精而鍊之至于百辟以爲三劍三刀三七首因姿

定名以銘其拊惜不遇薛燭青萍也三劍一曰飛景長

寸二二曰流采長四尺二寸文選注典論曰太子玉劍銘曰流采色似采虹三曰華

鋌色似彩虹長四尺二寸三刀一曰靈寶長四尺二寸似靈龜二曰含章采似

丹靈長四尺四寸三曰素質長四尺三寸刀身而劍缺三七首一曰清剛長二

尺三寸色似堅冰二曰揚文長二尺一寸重一斤六兩唯似朝日三曰龍鱗狀似龍文

亢倉子蜚景之劍威奪白日氣成紫蜺 文士傳揚

脩曾以寶劍與魏文帝帝佩之曰此揚脩之劍也 文

帝紀黃初元年十一月更授匈奴南單于璽綬賜青蓋

車乘輿寶劍玉珎

魏三刀 吳三刀

典論魏太子丕造寶刀三曰靈寶含章素質又作露陌

刀 魏武帝今日作百辟刀五枚

曹植有寶刀賦云建安中造寶刀

五枚以龍熊鳥雀爲識踰南越之巨闕超西楚之太阿

又有寶劍銘造茲寶刀既礪既礪匪以尚武予身是衛

麟角匪觸鷲距匪蹶 文帝露陌刀銘於鑠良刀胡鍊

賈時譬諸麟角靡所任茲不逢不若永世寶持 王粲

刀銘曰君子服之式章威靈無曰不虞戒不在明 古

今注百鍊青犢漏景吳大帝三寶刀也

### 吳六劍

古今注吳大帝有寶劍六白蛇紫電辟邪流星青冥百

鍊刀三百鍊青犢漏影 孫權以寶刀賜費禕荅曰刀以討不庭禁暴亂 刀劍

鍊赤烏中有人得韓信劍帝賜周瑜 吳都賦家有鶴



滕戶有犀渠

矛楯也

佩干將雄戟耀芒

賀齊討林歷山賊募士作戟戈

### 晉龍泉 太阿

張華傳初吳之未滅斗牛之間常有紫氣吳平之後紫氣愈明豫章雷煥曰寶劍之精上徹於天華曰有相者言吾年出六十位登三事當得寶劍佩之斯言豈效歟因問在何郡煥曰在豫章豐城即補煥豐城令煥到縣掘獄基入地四尺餘得一石函光氣非常中有雙劍並刺題一曰龍泉二曰太阿其夕斗牛間不復見焉送一

劍與華留一自佩華曰詳觀劍文乃干將也莫邪不至

見雷次宗豫章記

張協太阿劍銘淬以清波斂以越砥如玉

斯曜若影在水不運自肅率土同軌

又有文身刀銘

豐城寶

劍賦異金陵之浮王氣同寶鼎之在汾川 李斯書曰

服太阿之劍 越絕書楚王召風胡子之吳見歐冶子

干將作劍三一曰龍淵二曰太阿三曰工市 相如賦

注張揖曰干將韓王劍師也 張協七命云霜鍔水凝

冰鐔露潔形冠豪曹名珍巨闕形震薛燭光駭風胡價

兼三鄉聲貴二都

晉班劍

晉書會稽王給班劍

選注引漢官儀曰班劍以虎皮飾之

三朝史志班

劍本漢朝服帶劍晉以木代之亦曰象劍取裝飾班蘭之義鞘以黃質紫班文金銅飾紫條帔鍔御刀晉宋以來有之黑鞘金花銀飾靶厄 晉泰始中武陵太守羅憲入朝賜玄玉佩劍

晉銅劍

東哲傳太康二年汲郡冢中又得銅劍一枚長二尺五寸  
山海經注汲郡冢中得銅劍一長三尺五寸名干將劍

晉名刀

劉琨傳元帝以琨為侍中并賜名刀琨荅曰謹當躬自執備馘截二虜  
蒲元於斜谷為諸葛亮鑄刀淬以蜀江之水因曰神刀  
梁韋叡傳武帝賜龍環御刀

齊銅劍讚

書目江淹銅劍讚一卷齊永明初有人得銅劍淹序而讚之類聚梁簡文謝敷賚方諸劍善勝刀

梁神劍

刀劍錄梁武帝命陶弘景造神劍十三以象閏月

陶弘景傳

大通中弘景獻二刀於武帝一名善勝一名威勝並佳寶

梁有方諸劍善勝威勝刀

水經注

梁國多池沼時池中出神劍到今其民像而作之號大梁氏之劍紀天監五年四月丙申廬陵高昌之仁山

獲銅劍二 沈約有為東宮謝賜孟嘗君劍啓 赫連百

鍊為龍雀大鐶號曰大夏龍雀銘其背曰古之利器吳楚湛盧大夏龍雀名冠神都可以懷遠可以柔逋如風靡草威服九區 北史齊綦母懷文造宿鐵刀今襄國冶家所鑄宿柔鋌是其遺法

唐班劍

太宗紀武德四年加號天策上將賜袞冕金輅雙璧黃金六千斤前後鼓吹九部之樂班劍四十人 儀衛志

大駕鹵簿左右衛將軍二人分左右領班劔儀刀各一人

唐寶劔 臨軒授鉞

李愬傳帥魏博長慶元年六月以玉帶寶劔遺牛元翼曰  
此劔吾先人以搆大盜吾又以平蔡姦 武后時郭元

振上寶劔篇 官志兵部尚書凡將出征告廟授斧

鉞 實錄興元元年四月辛丑朔臨軒授副元帥

渾瑊節鉞

傳曰帝臨軒授鉞用漢拜韓信故事制  
曰冠賊干紀授爾節鉞以戡多難往欽

哉

唐鈹戟 襍稍

志大駕鹵簿諸衛各督其隊與鈹戟以次入陳殿庭次  
持鈹前隊次後持鈹隊自鈹戟以下執者服如黃麾仗  
宋朝志鈹戟無掌有小橫木鈹挿也本挿車旁小戟  
同 史記秦趙良曰持矛而操闌戟者旁車而趨索隱  
曰亦作鈹 開元禮義鑑金吾將軍執襍稍騎捧也以  
黃金塗末執以扈蹕義羅曰搯擊聲也形如劔而三刃  
連柄及鋒長三尺五寸以虎豹皮爲袋其制起秦漢



李綽輦下歲時記曰御殿御樓金吾撮稍前引兩雅云  
撮牛犂牛也抵觸百獸無敢當者仗內有羆稍庫刻撮  
牛首於上如龍虎節之狀碧油籠之宋景祐五年重制  
如李綽之說以銅爲罇今八稍安于朝堂行禮以前導  
其夾大將軍者亦名衛司撮稍

從矛者字書不載  
開元開寶禮作撮

會

要開元十三年四月二十一日敕四軍搶稍左飛騎用  
綠紛右飛騎緋紛左萬騎紅紛右萬騎碧紛 宋沈攸  
之傳有仇池步稍 魏于栗磾持黑稍 尉遲敬德從

擊世克獲排稍兵六千 程知節善馬稍

唐門戟

官志武器署凡戟廟社宮殿之門二十有四東宮之門一十有八一品之門十有六二品及京兆河南太原尹大都督大都護之門十有四三品及上中都督上都護上州之門十有二下都督下都護中下州之門各十

崔琳與弟珪瑤俱列戟戟號三戟崔家 張儉弟兄三

人五戟號三戟張家 李峴兄弟門列三戟 尹思貞

坎地獲古戟十二俄而門植戟 李愿父子皆賜戟

韋綬爲山南帥請門戟十二以行 張介然願列戟故

里玄宗許之別賜戟京師第門 盧坦傳自貞元以來

立戟十八家不應令並追正之 元和六年十二月甲

申收元義方盧坦戟令所司准舊制官階勲至三品然

後請 宋朝開寶四年七月戊戌賜皇弟開封尹門戟

十四枝 慶厯元年十一月丙寅詔功臣不限品數賜

私門立戟

張方平  
建白

唐鐵戟 銘

李齊物傳天寶元年為陝州刺史開砥柱通漕路發重

石下得古鐵戟若鏃然銘曰平陸上之詔以名縣志云

刃有篆文曰平陸魏典韋好持雙戟長刀軍中語曰

持一雙戟八十斤

唐儀鎗 儀刀 陌刀

儀衛志黃麾仗第二行儀鎗五色幡大駕鹵簿儀刀仗

銀裝全 皇太子鹵簿儀鎗眊六人儀鎗五色幡六人親

銅裝

王儀鋌二儀鋌六儀稍十一品儀刀十六 宋朝志儀

鋌鉞屬秦漢有之唐用爲儀仗刻木如斧柄以黃上綴

小錦幡五色帶 六典武庫令刀之制有四儀刀古班

類宋晉以來謂之御刀後魏曰長刀皆施龍鳳環清謂之儀刀裝以金銀羽儀所執鄣刀以彰橫

刀佩刀也陌刀長刀蓋古之斬馬劍 高仙芝討魏文

勃律李嗣業田珍爲左右陌刀將 廣平王收長安統

前軍嗣業袒持長刀大呼陣復整步卒二千以陌刀長

柯斧堵進所向無前 王茂元討劉稹李德裕詔王宰

合兵援之以河陰所貯兵械內庫甲兵弓矢陌刀賜之  
王及善除右千牛將軍帝曰爾佩大橫刀在朕側

唐金削刀

徐齊聃傳八歲能文太宗召試賜所佩金削刀

削音先  
呂反刀

也 初室 舉弘文生調曹王府參軍高宗時爲崇文學士侍

皇太子講修書于芳林門終西臺舍人 張說作碑云

賜以佩刀金鞘稱曰神童

漢書質  
氏西削

唐寶鈿刀 寶刀

阿史社爾傳貞觀十四年

十二月

爲交河道行軍總管平

高昌諸將咸受賞社爾以未受詔秋毫不敢取見別詔  
然後受所取皆老暗陳弊太宗美其廉賜高昌寶鈿刀

太宗賜薛延陀精刀 賜回紇寶刀 高宗賜泉男

生乘輿馬瑞錦寶刀 官志千牛備身掌執御刀 房

玄齡曰突厥弛絆握刀分典禁衛 劉敞古器圖一刀

以金錯其背曰貞觀十六年并州都督府造又有大夏  
龍雀刀赫連勃勃造百鍊鋼刀爲龍雀大環銘其背

唐鷹刀

禮志省牲器 官志太官署帥宰人以鷹刀割牲

唐鬱刀 鐸鞘 浪劍

南詔傳德宗遣袁滋冊異牟尋遣清平官尹輔首等七

人謝天子獻鐸鞘

狀如殘刃有孔傍連出麗水飾以金所擊無不洞夷人尤寶月以血祭之

浪劍鬱刀

鬱刀鑄時以毒藥并治取迎雖如星者十年乃成淬以馬血以金犀飾鐸首傷人即死浪

人所鑄故亦名浪劍王所佩者傳七世矣 會要云樂浪人劍

舊紀貞元十年九月

辛卯南詔獻鐸鞘浪人劍吐蕃印八紐



太平興國金錯刀

興國二年二月癸巳吳越國王貢黃金錯刀四銀錯刀  
二十修時貢也

景德御劍

景德二年正月丙寅遣內殿崇班楊保用往河北諸州  
取所頒御劍先是給諸路令得便宜行事 仁宗出御  
劍二授陝西總管夏守贇知延州范雍戒以臨陣用之  
祥符金錯契刀

祥符三年十一月甲午陳堯叟等言雕上得金錯契刀

永安五男錢

王莽造錯刀以金錯其文

### 皇祐鷹刀

見鼎類及御書類 皇祐中阮逸胡瑗等制鷹刀二鷹在鋒聲中宮商三和在環聲中角徵用周禮桃氏爲刃刃齊三分其金而錫居一圜丘以銅爲之宗廟以銅而飾以黃金自是祭祀之用始備 劉敞銘曰天子之孝袒而親割四方以效天子之威和而后斷四方以隨執

而勿失用而勿缺萬世以不竭 禮志皇祐五年閏月

制三鼎鸞刀刀有鋒銳加鸞以銅為之聲中宮商用鈴  
二鈴在環中角徵羽用鈴三郊以黑漆柄廟以金裝各

一

熙寧賜斬馬刀

熙寧五年作坊造斬馬刀刀長三尺餘鐔長尺餘首為  
大環上出以示蔡挺挺奏制作精巧便於操擊戰陳之  
利器也五月庚辰朔命置局造數萬口分賜邊臣

紹興寶劍

紹興六年二月四日右相都督張浚言御前降西蕃寶劍十二內庫細甲二十良弓五十給賜有功將士請分賜以爲激勸

乾道雁翎刀

乾道元年十一月二日命軍器所造雁翎刀以三千柄爲一料 蓮影如植龜文若游 雄稜霜利 銷白 虹以影碎耀青蛇而色秋 風伯吹盧雲師鍊冶鐵

歛朝流金精夜下價直十城名高千馬 水文千曲蛇  
鱗百層 燕砥歛刀蜀水開鋒 召風胡邀歐冶  
鱗缺星鐔 步光之妙櫛具之華 含景吐商 虹  
蔚波映龜文龍藻 清水淬鋒越砥歛鋸 七彩九  
華之飾龜文龍藻之麗陽紋陰縵之奇紫電白虹之  
異

鎧甲

易離爲甲冑釋名甲以物有孚甲以自禦亦曰介曰

函曰鎧皆堅重之名

廣雅曰函甲介鎧管子曰葛盧之山發而出水金從之蚩尤受

而制之以為劍鎧此其始也又世本云與作甲與少康子也說文首鎧謂之兜鍪亦曰胄臂鎧謂之鈇

頸鎧謂之鈇鍬

周犀甲 兕甲 合甲 闕鞞甲

夏官司甲

下大夫二人中士八人闕

注甲今之鎧也

司甲之官列於五兵之首其用

博矣疏古用皮謂之甲今用金謂之鎧

考工記燕無函

非無函也

燕近強胡習作甲胄

函人為甲犀甲七屬兕甲六屬合

甲五屬

注制革裹肉但取其表合以為甲屬謂上

犀甲

壽百年兕甲壽二百年合甲壽三百年凡爲甲必先爲容然後制革權其上旅下旅而重若一以長爲之圍凡甲鍛不摯則不堅已敝則撓 左傳昭十五年闕鞞之甲說文作闕鞞武所以克商也唐叔受之以處參墟注闕鞞所出鎡荀子武王定三革偃五兵注三革犀虎牛也

魯貝冑 齊犀甲 韞盾 吳犀渠

費誓善敕乃甲冑敵乃干備乃弓矢鍛乃戈矛礪乃鋒刃 魯頌公車千乘朱英綠滕二矛重弓公徒三萬貝

胄朱綬烝徒增增

胄以貝爲飾赤綬連綴甲

齊語管子制重罪贖

以犀甲一戟輕罪贖以鞮盾一戟桓公定三革隱五刃

韋昭注三革甲胄楯五刃刀劍矛戟矢

左傳齊甲士三千人

吳

語奉文犀之渠

楯也

吳都賦扈帶蛟函扶掄屬鏤家有鶴滕戶有犀渠吳鉤越棘純鈞湛盧

戎車盈於石城戈船掩乎江淮

越語夫差衣水犀之甲者億有三千

越絕書曰越王被暘夷之甲拔勃盧之矛

吳越春

秋越王被唐夷之甲帶步光之劍杖屈盧之矛以三百

人爲陣 晉語唐叔射兕于徒林殪以爲大甲

左傳



宋城者謳牛犀兕丹漆楚子重伐吳組甲三百被練三

千注漆甲成組文被練練袍晉公介文公駟介趙旃甲

裳 鄭詩駟介彭彭 荀子楚人鮫革犀兕以爲甲韜

如金石 禮論寢兕持虎所以養威也 魏氏武卒衣三屬之甲 鹽鐵

論強楚勁鄭有犀兕之甲犀軸兕甲 韓非子趙簡子

圍衛犀楯犀櫓立於矢石之所及 宋樂祁獻揚楯於趙簡子

漢鞬鞞 玄甲

韓延壽傳騎士被甲鞬鞞注即兜鞞也 鞬一奚鞞莫侯反

霍

去病傳發屬國玄甲軍

甲黑色

尹賞傳被鎧扞注鎧甲

扞臂衣

燕然銘玄甲耀日

李尤鎧銘甲鎧之施扞

禦鋒矢尚其堅剛或有犀兕好德者寧好戰者危

專智恃力君子不為

書正義經典皆言甲曹秦

已來始有鎧兜鍪之名古之作甲用皮秦漢以來

用鐵

### 魏明光鎧

吳歷魏文帝與吳王明光鎧

又孫權傳

曹植表曰先帝賜

臣鎧黑光明光各一具兩當鎧一領球鑠鎧一領馬鎧  
一領今世昇平兵革無事乞悉付鎧曹 魏都賦介冑

重襲旌旗躍莖弓玃解繁矛鋌飄英三屬之甲縵胡之  
纓雲撤叛渙席卷虔劉洗兵海島刷馬江洲蕭斧戢柯  
以匣刃虹旗攝麾以就卷 宋王玄謨鎮江州明帝賜

以諸葛亮笥袖鎧 殷孝祖為兗州朝廷御仗有諸葛  
亮笥袖鎧鐵帽二十五弩射之不能入上以賜孝祖

北史蔡祐著明光鐵鎧

晉犀甲

馬隆傳討西羌夾道累磁石賊負鐵鎧行不得前隆卒

悉被犀甲無留礙賊以爲神

著牛皮鎧  
一云馬隆兵

函犀七屬

浴鐵千羣 晉重鎧浴鐵

桓伊有馬步鎧六百上之

庾翼與燕王書致襦鎧

隋柳沈甲

張翰傳擊賊有功文帝賜綠沈甲獸文具裝

後周

文帝以所著鐵甲賜田弘

保定元年四月丁酉

白蘭獻犀甲鐵鎧九月甲辰南寧州獻滇馬蜀鎧

隋太子飾

蜀鎧帝不悅

### 唐金甲

太宗紀武德四年執竇建德降王世充六月凱旋

一云七月

甲子太宗被金甲陳鐵騎一萬介士三萬前後鼓吹獻俘

太廟 實錄貞觀十九年五月丁丑營于馬首山初太

宗遣使於百濟取金漆塗鐵甲色邁兼金又以五采染

玄金製爲山文甲甲申太宗親率甲騎萬餘金光曜日

與李勣會遼東城下旌旗數百里 張長遜以

兵會討薛舉賜錦袍金甲 杜甫詩有金鎖甲綠

沈槍

綠沈精鐵 鎖子甲甲之精細者言其相銜之密

苻堅使熊邈造

金銀細鎧金為綫以縲之 蔡琰詩曰金甲耀日光

唐金甲雕芥 明光鎧 金髻鎧 山文鎧

犀甲

舊紀貞觀十二年十月己亥百濟貢金甲雕芥 百濟

傳武德四年獻果下馬後五年獻明光鎧貞觀中上鐵

甲雕斧帝優勞之賜帛高麗傳帝度遼水時百濟上

金髹鎧又以玄金爲山五文鎧士被以從帝與李勣會

甲光炫日六典武庫令甲之制十有三曰明光甲光

要甲細鱗甲山文甲烏鎚甲白布甲皂絹甲布背甲步

兵甲皮甲木甲鎖子甲馬甲

元和九年七月甲戌命淮  
浙江西荆南造甲以進

列傳薛仁貴討九姓將行高宗宴內殿曰古善射穿

七札卿試五甲射焉仁貴一發洞貫馬燧節度河東

造鎧必長短三制稱士所衣以便進趨 李德裕節度

西川請甲人於安定弓人河東弩人浙西蜀兵器皆犀

銳中人謬言揚弁十五里明光甲云云 王鏐戈鎧犀密

馬曉大理卿有犀鎧懼而瘞之奴告藏其甲按之無

他 李元諒裹蜀爲鎧剡蒿爲矢 呂元膺守東都故

事賜旗甲至元膺不給 曹華爲襄城戍將憲宗初至

詔京師賜矛甲繒錦 徐商襍紙爲鎧勁矢不能洞

郭子儀家傳上賜公犀甲一又賜其將明光甲 柳宗



元平淮夷雅犀甲熊旂威命是荷 孫樵作潼關甲銘

祥符鎖子甲

祥符中與馬知節議邊防命制鋼鐵鎖子甲賜之 康  
定元年詔諸軍各與鎧甲十馬甲五 皇祐元年四月  
御崇政殿閱宋守信所獻黑漆順水山字鐵甲至道二  
年二月戊戌詔先是造明光細網甲無裏宜以紬裹之  
俾擾者不磨傷肌體

建炎明舉甲

建炎三年六月六日江東漕臣宗諤奏造明舉甲三千  
十月二十八日輔臣奏明舉甲每副工費凡八十緡有  
奇上曰朕名張浚卒企宗示之曰分毫以上皆民力也  
若棄一葉之甲是棄生民方寸之膚四年十二月二十  
一日以御前新樣斧一付軍器所製之紹興元年九月  
十四日造甲五千七年五月二十日以御前所造鞍宣  
示張浚三年三月甲戌賜韓世忠軍士甲千副

紹興犀甲

六年十月揚沂中破劉猊於藕塘時張浚在采石十一月庚午賜手書遣內侍賜浚端石研筆墨刀劍犀甲且召浚還勞之曰却敵卿之功也

雜兵器

易萃之象曰君子以除戎器戒不虞除者治也人既聚會不可不防故於此時修治戎器以備戒不虞

舜干戚

書舜干羽于兩階七旬有苗格 淮南子齊俗訓

有苗不服舜修政偃兵執干戚而舞 明堂位疏  
赤盾而玉飾斧 史記黃帝習用干戈征不享

書說命惟干戈省厥躬 牧誓稱戈比干 詩公

劉干戈戚揚 時邁載戢干戈 易說卦離為戈

兵

湯鉞

史記殷紀湯自把鉞以伐昆吾遂伐桀 司馬法殷執

白戊

周武王天鉞 黃鉞

牧誓武王左杖黃鉞右秉白旄以麾注鉞以黃金飾斧

後漢志注引說文周杖黃鉞

太公六韜武王軍中有大柯斧刃廣

八寸重八斤名爲天鉞牧誓正義引之即今之大鉞也 司馬

法曰夏執玄戊殷執白戊周左杖黃戊右秉白旄說文云戊

俗作鉞非是 後與服志注司馬法曰殷執白鉞云云

呂氏春秋武王左釋白

羽右釋黃鉞勉而自爲係 輿服志鉞黃帝所造湯伐

昆吾躬把大鉞武王入商周公把大鉞畢公把小鉞

六典注石氏星經曰天鉞一星在井旁

周五兵五盾 七兵

夏官司兵

中士四人

掌五兵五盾辨其物與其等以待軍事

司右用勇力之士能用五兵者屬焉

軍事建車之五兵會同亦如之注五

盾千櫓之屬

盾有大小其名未盡聞

鄭司農云五兵戈殳戟酋矛

夷矛正義曰有朱干中干及櫓聞其三者其二未聞

注車之五兵司農所云是也

司農云步兵五兵則無夷矛而有弓矢

司

戈盾

下士二人

掌戈盾之物而頒之祭祀授旅賁及故士戈

盾

旅賁氏執戈盾  
侯以二千戈逆子釗

齊授舞者兵亦如之軍旅會同授

貳車戈盾建乘車之戈盾授旅賁及虎士戈盾及舍設

藩盾行則斂之

師古注司馬法曰弓矢圍戈矛守戈  
戟助凡五兵長以衛短短以救長

注

藩盾可以藩衛者如今扶蘇月令季秋習五戎注弓

矢及矛戈戟穀梁傳五兵注矛戟鉞楯弓矢詩正

義千伐皆盾別名書正義鄭玄云惠狀蓋斜刃宜艾

刈戈即今之句子戟劉蓋今鏡斧鉞大斧戣瞿蓋今三

鋒矛銳矛屬凡此七兵或施矜或著柄周禮戈長六尺

六寸其餘未聞長短之數

周酋矛 夷矛 車戟

考工記秦無廬非無廬也廬人爲廬器

注謂矛戟柄竹攢柲秦多細木

善作柲柲

戈柲六尺有六寸及長尋有四尺車戟常酋矛常有

四尺夷矛三尋

酋夷長短名酋道也酋近夷長

凡兵無過三其身攻國

之兵欲短守國之兵欲長

大戴禮武王爲矛銘 左

傳使鍼御持矛衛太子爲右備持矛冉有用矛於齊師

周建囊



樂記武王克商散馬牛車甲衅而藏之府庫而弗復用  
倒載干戈包之以虎皮將帥之士使爲諸侯名之曰建  
橐然後天下知武王之不復用兵也注建讀爲鍵兵甲  
之衣曰橐鍵橐言閉藏兵甲也詩曰載橐弓矢春秋傳  
曰垂橐而入 詩小戎虎韞疏曰弓有虎皮之韞 漢  
張良傳偃革爲軒 馬融傳命師於建橐偃伯於靈臺  
止戈爲武

周黃戚

又見  
彤弓

周書世俘云籥人造王秉黃戚正國伯克殷云周公把大鉞原公把小鉞以夾王 典引乘其命賜彤弧黃戚之威

周兵器

天官玉府掌王玩好兵器 內府掌良兵良器待邦之大用 地官小司徒大比攷兵器 鄉師四時之田簡兵器 縣師備兵器 詩宣王備器械 左傳楚蔦掩數甲兵 齊社蒐軍實

周軍實凡要

夏官大司馬中夏教茷舍羣吏撰車徒讀書契注讀書契以簿書校錄軍實之凡要疏謂兵士簿書之要契小宰八成云師田以簡稽一也凡軍有三種或以俘囚爲軍實或以戈盾弓矢爲軍實或以禽牲爲軍實此據兵器凡要即名籍之總名 掌固設其飾器注兵甲之屬今城郭門之器亦然疏漢時城郭門守器所飾亦若今城郭門傍所執矛戟皆有幡飾之等是也

魯越棘

見弓矢類

魯朱干玉戚

見樂舞類

秦龍盾

詩小戎美襄公也備兵甲以討西戎國人矜其車甲小戎  
伐收五檠梁輶游環胛驅陰鞞蓋續文茵暢轂駕我  
騏驎龍盾之合

注畫龍爲盾  
云以木爲之

蓋以艘輶伐馬四孔羣九

矛鏐鏐

私三隅矛也以白金爲鏐鏐鏐也

蒙伐有苑

伐中干畫雜鳥之羽

虎韞鏐

膺交韞二弓竹閉緄膝

虎虎皮韞弓室也膺馬帶也交韞交二弓於韞中

無

衣王子興師脩我戈矛

### 漢五兵

官表羽林孤兒教以五兵注師古曰弓矢戛矛戈戟

吾丘壽王傳對曰古者作五兵非以相害以禁暴討邪

也安居則以制猛獸而備非常有事則以設守衛而施

行陣注師古曰五兵矛戟弓劔戈 漢高紀注師古曰

銜枚者止言語謹器欲令敵人不知其來也 周官有銜枚氏枚狀如箸橫銜之縵繫於項

漢刁斗

李廣傳廣不擊刁斗自衛程不識擊刁斗注孟康

魏時人

曰以銅作鑊受一斗晝炊飯食夜擊持行今在蒙陽庫中蘇林曰形如鉤無緣師古曰鉤即鈹也 西域傳杜欽論遣使屬賓曰斥候士三百餘人五分夜擊刁斗自守 漢舊儀曰晝漏盡夜 起宮中衛宮城門擊刁斗

周廬擊木柝

顏延年謂  
爲金柝

漢名臣奏曰

丞相韓  
宣奏

漢興已

來深考古義宮殿省寺至五六里周衛擊刁斗 纂文

曰刁斗持時鈴也

博古圖有漢熊足鐮斗 梁山銅

龍首鐮斗

斗可以  
温者

詩酌以大斗 冰斗 宋何承

天識威斗

### 漢渠答

晁錯傳上言兵事曰中國之長技五復言守邊備塞曰  
選常居者家室田作且以備之以便爲之高城深塹具

藺石布渠荅注服虔曰藺石可投人石也蘇林曰渠荅  
鐵蒺藜也如淳曰藺石城上雷石也墨子曰城上二步  
一渠立程長三尺冠長十尺臂長六尺二步一荅荅廣  
九尺袤十二尺

漢大將軍鉞 黃鉞

終軍傳上對曰大將軍秉鉞單于犇幕 後傳光武賜

侯霸璽書曰黃鉞一下 以黃金飾斧也 橋玄傳四府舉爲度

遼將軍假黃鉞 東京賦載金鉦而建黃鉞注蔡邕獨



斷曰乘輿後有金鉦黃鉞 蔡邕有黃鉞銘 蜀建興

三年春諸葛亮南征賜金鉞鉞一具

見亮集

魏辛毗杖

黃鉞當軍門立 晉安平王孚王導爲大司馬皆假黃

鉞 謝安太保進加黃鉞

### 漢武庫兵器

毋將隆傳奏武庫兵器天子公用國家武備繕治造作

皆度大司農錢 西京賦武庫禁兵設在蘭綺 燕王

旦傳曰明詔領庫兵飭武備 平紀什器儲侍注師古

曰軍法五人爲伍二伍爲什共其器物故通謂生之具爲什器亦猶今之從軍及作役者十人爲火共畜調度也 嚴安傳鍛甲摩劍矯箭控弦 韓延壽傳被甲

鞞輦

尹賞傳被鎧扞

扞臂衣

魏銀鞍

曹植上銀鞍表曰武帝代勅此銀鞍一具初不敢乘謹奉上 魏百官名曰紫茸題頭高橋鞍一具 西京雜記武帝時身毒國獻白光琉璃鞍 後漢李尤

鞍銘又轡銘曰轡銜在手急緩必時賞罰在中心和是  
思又有馬箠銘 魏文帝馬腦勒賦 傅玄馬射賦百  
馬齊興六驥孔閑金銜玉羈文防鏤鞍明珂景服華鞞  
采鮮 宋劉義恭有謝金梁鞍啓

晉金華楯

陶公故事臣侃奉獻金華大羌楯五十幡青綾金華楯  
五十幡 楊泉物理論古有阮師之刀蘇家之楯皆爲  
良工利器 元魏以馬頭楯破蠕蠕

宋銀幣

宋禮志皇太子夜開諸門墨令銀字幣傳令信

唐兵器名數

官志衛尉卿總武庫武器守宮三署兵器入者皆籍其名數

詳見武庫

丞辨器械出納之數武庫署藏兵械武器署

掌外戎器庫部掌戎器元日冬至陳設祠祀辨其名數

而供焉凡戎器色別而異處掌武庫器仗 六典武庫

名數軍鼓三金四弓四弩七箭四刀四槍四甲十三彭

非六旗三十二袍五器用八 元和九年三月乙亥賜  
振武軍弓甲八月丙子以戎械賜宥州十年十二月以

軍器給徐州

唐金鉞

會要天寶元年正月一日敕黃鉞古以金飾應五行之  
數宜改爲金鉞威武之義也

開寶弓弩院

太祖初即位以魏丕爲作坊副使

八年乃遣正使魏丕  
脩制戎器無不精勁

開寶九年三月己巳領代州刺史仍典其職兵器十日一進課之餉上親閱之列五庫以貯焉九月分作坊

爲南北歲造甲鎧具裝鎗劔刀鋸器械及床子弩等凡

三萬二千

舊床子弩射止七百步至千步

是歲又置弓弩院

舊在太平坊今

徙宣化坊歲造弓弩箭鏃等凡千六百五十餘萬又有南北

造箭二庫

在興國坊造箭院

太平興國三年九月十六日辛景德三年三月十八日辛軍器內

弓箭庫

咸平六年合爲造箭院隸弓弩院天禧四年四

月詔南作坊之西偏爲弓弩造箭院諸州有作院歲造

弓弩箭劔甲冑箭鏃等凡六百二十餘萬又別造諸兵  
幕甲袋鉦鼓鍋鍬鑠斧等謂之什器凡諸器械列五庫  
以貯之戎具精勁近古未有 景德四年十月以歲造

之器可支三十年還秦翰閱武庫所聚權罷繕治

舊制軍器

領於三司曹案 天聖四年十一月乙丑  
以武庫山積詔減諸州歲造兵器之半

熙寧六年

六月二十七日始置監七月甲寅置內弓箭內庫又有

軍器所 元豐八年十月己卯罷製軍器 廣西吳彥

方製利器械四以式來上則至和三年之三月戎

監定中外所獻槍刀及弓式以新造兵器付諸路  
作院爲式遣官分諭則熙寧七年之正月十三日編修  
九軍兵仗以河東經畧同提舉元豐元年十一月十五  
日也命編修軍器法制所以什物精緻者修爲法式尹  
抃造插弰弓及閤守懸所定募則詳密不復用舊法五  
年八月二十四日也渭州置平戎器甲庫政和五年十  
二月也輟禁宇以繕武庫灑宸翰而製庫名七年二月  
也請置軍器提舉官四員而詔屬之諸路提刑建炎三



年三月三日也以御甲一副頭牟等共五件命軍器所  
依式製之乾道六年閏五月二日也 建炎三年八月  
一日詔諸州歲課上供軍器並輸於內軍器四庫 紹  
興五年三月戊午軍器所始隸工部後復以中人典領  
三十年七月庚子詔工部依條檢察

慶歷神楯

見龍虎八陣圖 左傳狄虎彌建大車之輪蒙之以甲  
以為櫓櫓是大盾 漢李尤楯銘曰吳旂魯敵

方言曰自關而東或謂啟或謂干關西謂之楯

元豐兵器圖

元豐二年內侍押班王中正受詔閱在京馬步軍中正悉以製弓弩兵器及馬步射擊刺施用法上之既試咸可用遂圖其像步射執弓發矢連手舉足移步及馬射馬上使蕃槍馬上野戰格鬪步用標排皆有法凡數千言九月壬辰請頒於諸軍使誦習之 天聖六年九月

乙巳遣使修諸路兵械詔器甲久不繕治遣使閱  
視郭諮以所作刻漏圓楯獨棘弩生皮甲來上  
帝頗嘉其簡要慶厯二年詔鄜延環慶涇原秦  
鳳路各置都作院五年詔諸路所儲兵械悉報三司三  
司歲具須知以聞仍約爲程式頒之五年十一月甲午  
詔諸路進甲仗須知一本命三司簡爲程式頒之七年  
七月十八日賈昌期請遣官詣北京兵器毋輒改法式  
嘉祐四年七月庚申詔京師所製軍器多不犀利其

選朝臣武臣各一員揀試之 天聖四年詔作坊造錐槍 景祐四年造拴子槍弧槍 康定元年四月詔江南淮南造紙甲三萬給陝西 皇祐五年荆南鈐轄王遂上臨陣槍

淳熙軍器槩模

淳熙六年六月二十七日吏部侍郎閻蒼舒言蜀書最多皆邊防利害修城制度軍器法式專司法令瀘州有軍器槩模一書最詳備請下秘書錄書目送制置司參

對四川官書目抄寫送省從之 魏陳琳武庫一作軍賦

其刃則楚金越冶崇谿名工清堅皓鋸脩刺銳鋒  
陸陷益犀水截輕鴻鎧則東胡闕鞏百鍊精剛函  
師振旅韋人制縫玄羽縹甲灼爚流光弩則幽都  
筋骨常山繫幹弓則烏號越棘繁弱角端象弭綉  
質指拊文身矢則申息肅慎箇籥空流焦銅毒鐵斨鏃  
鳴鏃麗轂捷輶馬則飛雲絕景直鬐駟駢駮龍紫鹿文  
的閭魚 魯公子偃蒙臯比先犯宋師晉胥臣蒙虎皮

先犯陳蔡

資芥

易得其資芥資利也

鍼秘

左傳注芥柄

挺鉞

吳語扶胥

六韜

一行馬棘矜

過秦論棘戰也矜矛鋌之地

虎路

校獵賦

槍雷

周禮注疏云守城禦捍之具

逢蓬

史記

兜零

光武紀燧注

鉤援

詩鉤梯也引上城者

終葵

廣成頌斧名

翔旒

唐褚翔

旒雲欄注機石也

吹芮

史記扶吹芮

飛橋

六韜

輶輶

孫子修輶輶輶

柴離

說文徐鉉

日豎散木爲區落

彤珠

潘安仁誄注謂治鉄以灌敵

雲梁

南詔傳雲梁駕車

渠衝

荀子

攻城之車

鉅鐵

禮書宄之鉅鐵鎖如蝨

梯衝

後公孫瓚傳

太公曰必勝之道器械爲寶

六韜有軍用一篇

漢

志兵之技巧十有三家習手足使器械機關以立攻守  
之勝古者弧矢之利以威天下其用上矣後世耀金爲  
刃割革爲甲器械甚備越絕書風胡子曰神農以石  
爲兵黃帝以玉爲兵禹以銅鐵爲兵玩易之萃知戎  
器之除誦詩車攻知器械之備萃之象曰除戎器戒  
不虞泰之九二曰包荒用馮河泰萃之世聖人謹於武  
備如此干戈不徒興省躬而已弓矢不妄發正己而  
己德實威本威乃德輔器械之備詩人歌周工巧

之精史氏美漢 開鶴列之陣靡魚須之旃 蛟分承

影雁落忘歸 雨矢逐天狼電矛驅海若 麓旄

犀札翻霓塞野 劔拔青鱗弦插赤羽渠門之旂

密須之鼓鐵馬蛇矛大黃白羽天山瀚海噴薄風

雨 弦木六鈞函犀七屬 軍總四校兵兼七營

運長擊短後實先聲增壘威敵滅竈潛兵 大弧

射法太乙營圖 朝兵滅竈夜營多鼓 秋草將

腓寒膠欲析 赤羽照日烏號滿月 旌旗電舒



戈矛林植彤珠星流飛矢雨集 被縵胡揮孟勞 魚

甲烟聚貝冑星羅 列缺掉幟招搖耀鉞 玄甲耀日

朱旗絳天 暢轂文茵鈎膺幢葦 粵金妨竒允戈和

弓 象弭鷲羽 挾輶曳牛之侶拔距桀石之夫斬蛟

擊兕之士 天陣齊舉雲置備設 揮戈電飛激箭颺

疾 禡蚩尤誓鈎陳 黃石兵符白猿劍術 飾甲底

兵奮士盛師 發黃間揮白羽 靜如磐石動如飄風

合組齧却鈎膺綺鈴 駟秀騏之駸駸載軫獵之韜

車羽旄蕭紛 弧貫月影劔動星芒 虎牙鷹揚之

臣蛇矛犀渠之羣 橫行而東我伐用張 月陣聯雲

旌闕日 迴五翎而革面控三庭而詘膝 五將獲

野萬靈並鼓 接衝拔距鷹瞵鶚視 六軍齊軌五輅

舒旆 丹楹發照素甲生波 樓煩白羽投鞍成岳漁

陽墨騎浴鐵爲羣 八鑿搖響五牛舒旆千乘雷動萬

軸雲回 直而壯律而臧有不戰戰必勝矣

玉海卷一百五十一